

POLISI PENGGUNAAN KENDERAAN DALAM KAMPUS

1. Semua pelajar yang tinggal di Kolej Kediaman UniSZA tidak dibenarkan membawa kenderaan kecuali di atas faktor-faktor berikut:

- a. Faktor kesihatan - Pelajar kelainan upaya (OKU) atau pelajar yang disahkan mempunyai penyakit yang menyebabkan kesukaran untuk bergerak tanpa kenderaan atau pelajar yang memerlukan rawatan secara berkala oleh pakar perubatan berdaftar.

Nota: Pelajar yang mempunyai masalah kesihatan perlu mendapatkan pengesahan bertulis daripada pakar perubatan yang berdaftar.

- b. Pelajar-pelajar yang aktif dalam persatuan yang dibenarkan oleh UniSZA seperti yang menganggotai MPP, MKK, exco Jawatankuasa pelajar dan lain-lain pertubuhan berdaftar UniSZA.

Nota: Pelajar perlu mengemukakan dokumen pengesahan atau perantikan/keahlian yang dikeluarkan oleh Universiti.

- c. Faktor keselamatan- Pelajar yang memerlukan kenderaan persendirian atas isu-isu keselamatan.

Nota: Pelajar perlu mengemukakan dokumen pengesahan seperti laporan polis atau surat dari pihak yang berkaitan.

- d. Pelajar pasca siswazah atau pelajar pra-siswazah yang perlu membuat penyelidikan di luar kawasan kampus.

Nota: Pelajar perlu mengemukakan salinan kad pelajar atau/dan surat dari penyelia.



- e. Lain-lain sebab yang dibenarkan oleh Timbalan Naib Canselor Hal Ehwal Pelajar (TNC HEPA)
2. Pelajar yang dibenarkan membawa kenderaan ke dalam kampus tertakluk kepada syarat dalam Borang Permohonan Kebenaran Membawa Kenderaan Bermotor Ke Dalam Kampus yang dikeluarkan oleh pejabat TNC HEPA) dan hanya dibenarkan meletakkan kenderaan mereka di tempat yang dikhaskan untuk pelajar.
 3. Kenderaan awam dan/atau kenderaan universiti yang digunakan bagi tujuan aktiviti pelajar hanya dibenarkan mengambil atau menurunkan pelajar di tempat yang dibenarkan atau yang dikhususkan sahaja.
 4. Kenderaan awam dan pelawat yang dibenarkan membawa kenderaan masuk ke dalam kampus hanya dibenarkan meletakkan kenderaan pada tempat yang hanya dikhususkan kepada kenderaan awam/pelawat.